

Air Aruba mester sosten

YUDANZA PA AIR ARUBA TA ALGO NACIONAL

ORANJESTAD (AAN) Na principio tempo cu Air Aruba a acerca gobierno pa yudanza. Gobierno tin e obligacion pa informa pueblo correctamente y mester bisa e pueblo cu gobierno a worde acerca pa un yudanza, asina Prome Ministro Nelson Oduber a duna di conoce.

Segun Prome Ministro Oduber, ora bo ta pidi yudanza ta pasobra bo ta sinti cu bo mester di dje y bo ta den problema.

Durante e bishita cortico y exitoso di Prome Ministro Nelson Oduber el a cuminsa habri e canalnan Hulandes cu placa di Ayudo Desaroyo no por worde usa solamente pa proyectonan di gobierno cu por ta Aruba por haci uzo di e fondo ey pa proyectonan di sector priva unda cu gobierno ta sinti cu lo por duna un man.

Prome Ministro Oduber a bisa; por ehempel Air Aruba cu e segundo carrier aki na Aruba awor aki cu ta bula un ocupacion hopi bon pa Europa merece tur sosten mirando e problemanan cu Air Holland ta confrontando. Pasobra si Air Aruba haye den problema, Prome Ministro no ta kere, y no ta mira ningun hende mas tuma e corahe y dinamismo pa bay bula Europa, pasobra nan no por competi mas peor enbista di "92 ni cu KLM ni cu e otro companianan grandi.

Segun Prome Ministro e asunto di yudanza di Air

Aruba ta algo nacional cu tanto gobierno, sector priva, sindicatonan y tur gremio mester uni cabez pa den tur forma no solamente di placa pero di sosten moral, cual sosten cu gobierno por duna, gobierno debe Air Aruba un sosten loque ta trata e fluho di turista cu ta bin Aruba.

Si Aruba tin na garantia sumanan asina, companianan grandi manera loque a sosode cu Continental Airlines, apesar cu tin ocupacion mas cu 84 porciento di promedio pa Aruba pa motibonan cu na Merca cu e Agencia di Viahenan e suma cu nan tin pa nan mes pa cada vuelo y cada asiento no tabata rendable pa nan sigui bula, ora cos bay malo nan ta stop di bula.

Si mirando 7800 camber gobierno cu Air Aruba cu un obligacion hunto cu e hotelnan pa yena e cambeman den tempo bon y den tempo malo, pasobra un gobierno no mester pensa so cu tin tempo bon pa tur hende y por confronta dificultad.

E combersacion riba Air Aruba tambe a ser haci na

Hulanda, unda Prome Ministro Nelson Oduber habri caminda pa cualkier dia si gobierno kier duna un man e compania Air Aruba lo por conta cu sosten di gobierno na e manera mas responsable cu ta posible, semper y cuando cu tin un pian comercial, maneho economico ta ser es-

tancha y semper y cuanto cu ta bula cu avionnan cu ta adecuado cu e riesgo pa Aruba lo ta minimal den e sentido aki mas bien como un sosten moral di un gobierno cu ta duna reconocimiento na esnan cu kier tuma e riesgonan grandi pa yuda Aruba yena e cambeman cu mester

worde yena pasobra si no esnan cu garantia ta cerca gobierno nan ta bin.

A base di esey Prome Ministro Oduber ta kere cu gobierno lo averigua den tur forma por coopera y lo bay tuma un actitud di duna e cooperacion na Air Aruba unda cu por.

**Telefon di
DIARIO**

22207 - 26747

32352 - 35023

35026